

Te Kura Kaupapa o Wairarapa

TE PŪTĀTARA

Mōheni - Wāhanga 3 - Wiki 9, 2023



Tēnā koutou e te whānau,

Nau mai ki to tātou mōheni mo te wāhanga tuatoru mō te wiki 9! Tiro atu ki tō mātou whārangi pukamata mō ētahi atu pānui.

pg.3	HE KŌRERO NĀ TE TUMUAKI
pg.4	HE PĀNUI
pg.5	TE AHU O TE REO
pg.6	TE AHO MATUA
pg.7	NGĀ UARA O TŌ TĀTOU KURA
pg.8–11	<u>NGĀ AKOMANGA:</u> KURA NOHINOHI KURA TEINA KURA WAENGA WHAREKURA
pg.12–13	HĀKINAKINA
Pg.14–15	KAPA HAKA
pg.16	TE REO MĀORI
pg.17	TUTAKI KAIKO/KAIĀWHINA



HE KŌRERO NĀ TE TUMUAKI

Ka puāwai ngā kōwhai he tohu tēnā kua aroaromahana. Nau mai e te Kōanga!

Tēnā tātou e te whānau - he nui rawa ngā mihi matakuikui ki a tātou katoa.

Ki te kore anō koe kia kite i tā tātou maara kai, haere mai ki te titiro - i tēnei wā kei te hanga a matua David i tō tātou Whare Whakaruruhau - kia mutu, kua wātea a tātou tamariki ki te whakatō kākano, ki te whakatipu rākau taketake me te manako nui ia ka hokona atu ki te haporī a tōna wā.

Kei te harikoa mātou ko ngā kaiako kua tata tae atu tātou ki ngā hararei - he nui rawa ngā māuiuitanga kua pāngia ki te hunga kaiako, kua pāngia anō hoki ki a tātou tamariki i te roanga o tēnei wāhanga. Heoi anō ko te manako nui ia, ka pai ai te whakatā hei a ngā hararei, ā, ka kaha patu i ngā māuiuitanga kia hoki ora mai tātou katoa.

He nui ngā kaupapa kei mua i te aroaro hei a te wāhanga tuawhā - koia ko Te Mana Kuratahi, ā, waihoki ko te haerenga o ngā Tau 12-13 ki Tahiti hei a te mutunga o Noema.

Heoi anō rā i mua tonu i te whakakape ake i aku kōrero e tika ana kia mihi atu ki te tokomaha ka whakapau werawera ki te tautoko i a tātou tamariki, ki te tautoko i ngā haerenga, i ngā kaupapa hākinakina, i ngā kaupapa kapa haka, otirā i tō tātou kaupapa - nei rā te mutunga mai o te mihi ki a koutou.

Nāku iti nei, whaea Pip

He pānui

If you are not yet connected to our Facebook page, please jump on and join up



TE KURA KAUPAPA
MAORI O WAIRARAPA
WHARANGI PUKA MATĀ

SUMMER UNIFORM

We are wearing
Summer uniform
Term 4 2022

HIKOI MO TE
REO TAITE 14
HEPETEMA

Kapa Haka
Thursday 21
September

Last Day of Term:
Friday 22 September
Hui Whakamana
@ 2pm

Te Ahu o te Reo

Ko te pae tawhiti whāia kia tata
Ko te pae tata, whakamaua kia tina



Ko te amorangi ki mua, ko te hāpai ō ki muri



TE AHO MATUA

Tamariki wāwāhi tahā aratakina ki te mātāpuna o te mōhio, o te ora, o te maungārongo.

Whaia te iti kahurangi ki te tuohu koe me he maunga teitei.

Āhuatanga Ako 5.5 He mea tāpiri atu ki te whakarongo, ko te titiro, ko te raweke, ko te makamaka pātai, ko te whitiwhiti kōrero, ko te āta whakaaro, hei whakauru i te mātau me te aroā.



"Ruia te taitea, Kohia te rangiura"



NGĀ UARA

"Pono"



Ko ēnei ētahi o ngā whakaaro ngā kōrero hoki o ngā ākonga mō tēnei mea te 'Pono'.

Kia Pono āu mahi, kia Pono āu kōrero anō hoki, ka whakatīnana koe i tēnei nā aku mahi Pono.

Kaua e rūkahu, ki te kimi koe he tāonga me whakahoki ki te tangata nānā te tāonga, ka waiho atu ki te Tari rānei.

Mēnā ka Pono ō kōrero ki te tangata ka pai ake o piropiro me te wairua anō hoki.

Ka whakapono ahau ki ahau, ka aro ahau ki āku mahi kura.



Kura Teina

Ngā mihi nui e ngā whānau. Kua tino roa tēnei wāhanga, ahakoa tērā kei te aro tonu ngā tamariki ki ngā akoranga maha. Hei te mutunga wiki ka tū ngā kapa haka ā-rohe, hīkākā ngā tamariki katoa.



KURA NOHINOHI

TE MĪHARO HOKI O NGĀ MAHI I TĒNEI
WĀHANGA I ROTO I A KURA NOHINOHI

NAU MAE HAERE MAI KI NGĀ TAMARIKI
HOU, KO AMORANGI RAUA KO ZHAYDE :)

WHĀNAU MĀ, PĀTAI ATU KI Ō KOUTOU
TAMARIKI NGĀ MEA KATOĀ KUA AKO
RĀTOU E PĀ ANA KI TE WHĀNAU O
TAMANUITERĀ.

ĀNEI ĒTAHI KUPU ĀWHINA:
TE WHĀNAU O TAMANUITERĀ - SOLAR SYSTEM
AORANGI - PLANTES
KAIPŌKAI TUARANGI - ASTROUNAUT
WAKA ĀTEA - SPACESHIP
MARAMA - MOON RINGI - RINGS
1. APĀRANGI - MERCURY
2. KŌPŪ - VENUS
3. PAPTŪĀNUKU - EARTH
4. MATAWHERO - MARS
5. PAREĀRAU - JUPITER
6. RONGO - SATURN
7. WHĒRANGI - URANUS
8. TANGAROA - NEPTUNE





Kura Waenga

Maha ana ngā mahi o Kura Waenga i ngā wiki kua tahā ake nei. Mō tā rātou kaupapa Pakirēhua i Aro rātou ki ngā māuiui tanga me Ngā rongoā Māori. Kei te aro hoki ki te mahi rongoā me te hanga pukapuka rongoā. Mīharo ana ngā mahi. I ngana hoki rātou ki te hiki i ngā kaupapa o te wā, arā, te tae atu ki te tangihanga o tētahi o ngā Raukura o tō tātou nei Kura, a Toha Smallman. Ko te whakaemi moni hoki tētahi mō Kim's Way Night Refuge. Ā te 21 o Mahuru kei te tū rātou ki ngā hui Huinga kapa haka mō Ngā kura katoa o te Wairarapa. Kei whea mai ā tātou tamariki 🌟😊

i tēnei wiki 9, i haere hoki ngā tamariki nei ki Hadlow mō Ngā akoranga Pūtaiao (Science Roadshow). I whai wā rātou ki te rāwekeweke i ngā taonga.



Kura Waenga



WHAREKURA

TARANAKI

I te tuawhā o Mahuru i haere te wharekura ki Hāwera mo te Hopu Ariki. I nohotahi mātou ki te taha o te haukāinga ki te marae o Aotearoa. I te tuarima o Mahuru i haere mātou ki te Ngutu o te manu ki te tākoro i te hopu ariki. Nā te Kāhui Maunga i whakamauhiri i tēnei kaupapa Miharo rawa ki raro i te Maru o Te Aho Matua.

**HĀKINAKINA - KURA TUATAHI
NGĀ HĀKINAKINA O TE WĀHANGA 3**

NGĀ PUĀWAI O TE KURA KAUPAPA MĀORI O WAIRARAPA



RANGI TUARUA: TUREI 31 O OKETOPA, 2023					
#	KAPA	KURA	ROHE	START	FINISH
KARAKIA TIMATANGA					
8:30 AM					
15	Te Kapa Hurutea o Horouta Wānanga	Te Kura Kaupapa Māori o Horouta Wānanga	Te Tairāwhiti	8:45 AM	9:10 AM
16	Te Kura Kaupapa Māori o Ngā Uri a Māui	Te Kura Kaupapa Māori o Ngā Uri a Māui	Te Tairāwhiti	9:15 AM	9:40 AM
17	Nga Mataapuna o Hora Hora	Te Kura o Hora Hora	Te Taitokerau	9:45 AM	10:10 AM
18	Ngā Puāwai o Te Kura Kaupapa Māori o Wairarapa	Te Kura Kaupapa Māori o Wairarapa	Te Awakairangi	10:15 AM	10:40 AM
19	Whitireia	Te Kura Māori o Porirua	Te Whanganui ā-Tara ki Ōtaki	10:45 AM	11:10 AM
WĀ KAI NUI					
20	Te Kura o Te Pāroa	Te Kura o Te Pāroa	Mataatua ki Rangitaiki	12:05 PM	12:30 PM
21	Pitau Whakarei	Nelson Intermediate	Te Taihu o te Waka	12:35 PM	1:00 PM
22	Te Pārekereke o Rangiaatea	Te Pihipihinga Kākano Mai Rangiaatea Kura Kaupapa Māori	Aotea ki Taranaki	1:05 PM	1:30 PM
23	Te Kura Kaupapa Māori o Te Atihaunui-ā-Paparangi Tuakana	Te Kura Kaupapa Māori o Te Atihaunui-ā-Paparangi	Aotea ki Whanganui	1:35 PM	2:00 PM
24	Te Manu Kai Miro	Te Kura Kaupapa Māori a rohe o Mangere	Tāmaki Makaurau	2:05 PM	2:30 PM
PARAMANAWA					
25	Te Kapa Haka o Te Pūwhāriki	Te Kura o Maungatapu	Te Waka Pererua	2:55 PM	3:20 PM
26	TKKM o Te Wānanga Whare Tapere o Takitimu	TKKM o Te Wānanga Whare Tapere o Takitimu	Te Matau a Māui	3:25 PM	3:50 PM
27	Te Wharekura o Te Kaokaoroa o Pātetere - Kura Waenga	Te Wharekura o Te Kaokaoroa o Pātetere	Tainui	3:55 PM	4:30 PM
28	Te Kura Kaupapa Māori o Ruamata	Te Kura Kaupapa Māori o Ruamata	Te Arawa	4:35 PM	5:00 PM
KARAKIA WHAKAKAPI					

Kua whakatauria e Te Taihu o Te Waka ngā rangi ka tū Te Mana Kuratahi mō te tau 2023. Ka tū ki Whakatū.

Rātapu 29 Oketopa - Te rangi pōwhiri

Mane 30 Oketopa - Taite 2 Nōema - Ngā rangi whakataetae.

Tiro atu ki te whārangi pukamata ki te paeāhua o

“Te Mana Kuratahi 2023”.

TE AHO O WHĀTONGA



I te 26 o Ākuhata i tū ngā whakataetae kapa haka tuarua o Te Pae Taiohi ki Manawatū.

Tuatahi mai ko Manukura

Tuarua mai ko Te Piringa

Tuatoru mai ko Te Aho o Whātonga!

Tēnei ngā mihi ka tukuna atu ki ngā whānau maha i tautoko mai i a mātou Te Aho o Whātonga i roto i ēnei marama kua taha.

PANGA KUPU

Matariki

Nō te whetū matua o Te Iwa o Matariki te ingoa Matariki. He maha ngā iwi puta noa i Aotearoa kua whaitake ki a Matariki – e whitu ngā whetū ki tēnā iwi, e iwa ngā whetū kei tēnā iwi. He hononga tō ngā āhukatanga tuku iho a-iwi ki te mātahi o te tau hei mihi ki ngā mea nui o ō rātou oranga.

Whakakāia te pangakupu ki ngā ingoa o ngā whetū e iwa.

- Matariki
- Ururangi
- Waipunarangi
- Hiwaiteurangi
- Pōhutukawa
- Tīpuānuku
- Tīpuārangi
- Waitī
- Waitā

The crossword puzzle grid consists of the following pre-filled letters:

- Row 2, Column 1: **P**
- Row 2, Column 6: **U**
- Row 4, Column 7: **W**
- Row 5, Column 3: **M**
- Row 6, Column 5: **Ī**
- Row 6, Column 8: **Ā**
- Row 8, Column 2: **W**

Tūtaki

Te Whakahaweā Pākai

KAIKO WHAREKURA

TĒNEI TE RINGA WHĒTUI KI NGĀ MĀTA KURA KUA WHAKARAUIKA MAI I NGĀ RINGA NEHUNEHU O TE MĀTAURANGA, KIA TIPU ORA AI NGĀ MŌHIOTANGA, NGĀ MĀRAMATANGA ME NGĀ AKORANGA KUA WAIHŌTIA E Ō MĀTOU MĀTUA TĪPUNA. WAIHOKI RĀ NGĀ RINGA AUNEHU KUA WHAKAPIKIORA I NGĀ KAWENGA MATUA O TE TIKANGA-Ā-IWI O TĒNĀ IWI, HAPŪ, ME NGĀ KŌRERO TUKU IHO O ĒNEI TŪRANGAWAEWAE, TĒNEI AU KA MIHIA RAWATIA.

RERE KŌTARE IHO TAKU MANU HŌKIO A PAERANGI KI UTA, PAERANGI KI TAI KI TE TINO KIETAPU O MATUA TE MANA KI NGĀ WAIHONOHONO O RUA TIPUA, KI TE NEHENEHENUI O TAKU WHAKATIPURANGA HĀNEANEĀ KI NGĀ UHĪ TAUMĀHEKEHEKE O NGĀ PARI HAUHAU O TUNUHAERE, O TE WHARE O TE KŌRERO KI TE TANGI O TE PERE O TOHU KĀKAHI, KI AKU TŪPUNA E TAKOTO TĪRAHA ANA KI NGĀ WHENUA KARAPINEPINE O NAMUKURA.

KO AU TE MOKOPUNA O PAERANGI O TE MAUNGAROA TE HĀRO WHAKARARO KIA KITEA, KIA RONGOHA TE MAURI O TAKU AWA E RERE KŌTARE ANA KI TE KAIHAU-Ā-KUPE, KI NGĀ IA TAIRERE O TE MOANA E KAUPEKĀHIA MAI I TE MOANA PAKĒ KI NGĀ WAI HONOHONO I TE PŌ. HAUPIPI KARANGA, PAERANGI I TE WHARETOKA, POUPOUĀ KI RUNGA, POUPOUĀ KI TE TIHI O KORO RUAPEHU, KI A TARANAKI NUI TONU.

